

M406Y: Christine Ebner: 'Engelthaler Schwesternbuch' ('Von der genaden uberlast') (N2)

38,2 do sie nv tot waz do waz
38,3 sie schoner vnd minne-clicher wanne si
38,4 ie waz gewest in dez do man diser frawen
38,5 tauelt da sprach ein stimme zv
38,6 einer alten frawe- . "dew swest' die do
38,7 sitzt auf dem stro die ist dez wirdig daz
38,8 sie an vnterlaz ze himel sol uarn" Da sie
38,9 nv für daz siechaus kom da vant sie
38,10 ein swester sitzen auf eine- stro die .
38,11 hiez Rihza von ellenbach . sie starbe
38,12 an dem virden tag nach diser selige-
38,13 alheiden da sie nv tot waz Da sprach
38,14 vnser h're zu h'n friderich dem alten
38,15 Caplan . "Man sol daz groz ampt durh
38,16 dez claine- niht ab lazzen" vnd maint
38,17 die messe von der vasten die solte
38,18 man niht ab lazzen durch req'em et'nam .
38,19 noch halt durch der heiligen
38,20 Reihtzen willen
38,21 Ez waz ein fraw die hiez alheit
38,22 von herspruk die kom mit irm

39,1 ewirt her zv vnser geselleschaft er
39,2 hiez heinrich vnd der legt dem Couent
39,3 groz gut an den baw da dint
39,4 sie den swestern als minne-clichen
39,5 swen man ir ein ampt gab so frewt
39,6 sich ie die samenu-g do sie nv an de- töt
39,7 kom do sagt sie offenlich dem Couent
39,8 vnd sprach "lieben frawe- ich tun ev ku-t
39,9 do ich ze nurnb'g waz da bat mich mi-
39,10 wirt daz ich her w' kume- dez wolt ich
39,11 niht tun dor nach kom sand domi-cus
39,12 zv mir in sand Sebolts munst' de- versagt
39,13 ich ez auch dar nach kom maria
39,14 die muter der barmhertzicheit zv mir

39,15 vnd bat mich daz ich her kome so wolt
39,16 sie mir daz globen daz sie mir erscheinen
39,17 wolt mit irm sun an mine- tode
39,18 lieben frawe- ir sult bei mir sein daz
39,19 ir siner gegenw'ticheit iht v'seumet"
39,20 vnd daz geschah sie kome- zv ir vnd
39,21 zaigte- ir irev minnecliche- antlutze
39,22 vnd sprachen hin tz ir . sie wer der erwelten

40,1 me-schen einez vnd sie wolten ir
40,2 vil gutlich tun vnd e. daz sie sturb so
40,3 wolten sie ir noch zv eine- mol erscheinen
40,4 daz sagt sie den swestern vnd zaigt
40,5 in wo sie gestanden waren vnd sprach waz
40,6 sie an het gehabt da sprach sie zv de- frawen
40,7 "lieben frawe- ir sult ir gegenw'tikeit
40,8 niht v'seume-" daz geschah also an dem
40,9 palmabent da beging man vnser frawe-
40,10 tag vnd da ging vnser h're i m chor
40,11 vnder dem Te deu- laudamus vnder de-
40,12 vers Et laudamus nome- tuu- in seculum vn-
40,13 belaib also d inne- biz man in auz gesa-c
40,14 da naig im aller Couent vnd sahen sin
40,15 doch niht . wan- die schenkin die prioli-
40,16 sach in allein als er waz vmb drizzig
40,17 iar nach dem te deum laudamus do gink
40,18 er auz dem chor zv der siechen swest'
40,19 als er ir gehaizzen het da sprach si mit
40,20 laut' sti-me "vnser herre ist kumen
40,21 vnd sin liebe müt' maria" da vielen
40,22 die frawen alle an ir lange venige

41,1 gegen im vnd baten sie daz sie bete
41,2 fur den Couent also kom sie von ir
41,3 selber vnd wart gar zertlich mit vnserm
41,4 h'ren reden ire wort horten die
41,5 frawe- wol die sie mit vnserm herre-
41,6 redet aber seine wort horten sie niht
41,7 do sie nv wider zv ir selb' kome da
41,8 fragten si s ob sie iht fur den Coue-t
41,9 het gebeten da sprach sie "er hat ein
41,10 creutz ub' euch all getan" do mit starbe
41,11 sie mit eine- heiligen ende
41,12 Ein swester het wir die hiez kungunt
41,13 von Eystet vnd die waz
41,14 der stiflerin enichel die ging nach
41,15 einer metin auz dem chor da ez taget
41,16 do hort sie den Caplan messe

41,17 sprechen sie stunde bei der tür do ma-
41,18 die steinin stig in die kirchen get
41,19 vnd sah an die stat da nv vnder kuchen
41,20 stat do stund ein groze schone
41,21 linde die het alle ire pleter v'wandelt
41,22 mit morge-stern die wart z underst

42,1 grozzer vnd allerschonst daz wert
42,2 also biz an die mit da u'wandeln-
42,3 sich die stern vnd wurde- hin auf
42,4 ie lenger ie cleiner da ez do in de-
42,5 wipfel kom da wurden sie als der
42,6 mon swen der ab nimet sie hingen-
42,7 alle in ir selbez kreft vnd wenne
42,8 ir ie einer ab ging so kom eine
42,9 ander an sein stat da die naturlih
42,10 sunne auf ging die warf irn schi-
42,11 in die stern do ward ein so schoner
42,12 glast daz waz vber alle menschlich
42,13 sinne nv liez sie dez Caplans messe
42,14 varn vnd ging vnter den bav-
42,15 da sah sie auf den niderste- esten
42,16 zwen vogel die waren als grozz
42,17 als die welischen tauben vnd heten
42,18 auch ir gestalt vnd ware- als
42,19 lauter als ein spiegelglas vnd sa-
42,20 ein clarer berillen stein da ma- sich
42,21 inne- ersiht Disev gesiht wert biz
42,22 man daz ander zeichen ze preime

43,1 laut da v'swunden die stern vnd gewan
43,2 der baum sin naturliche bleter
43,3 wider do ging sie hin tz prime vnd
43,4 moht diser grozen gesiht niht v'gezzen
43,5 do ez do kom hin tz der still mess
43,6 da sprach ein sti-me hin tz ir . "west u
43,7 iht gern waz dise gesiht bedeut" Da
43,8 sprach sie "ia ich west ez gar g'n" "ez bedeut .
43,9 daz daz a m erste- anuang ditz
43,10 Closters daz die . die heiligsten leut
43,11 waren vnd die genadenreichste- die
43,12 man moht vinden . vnser herre der
43,13 waiz alle dink in siner uorbesihtikeit
43,14 swe-n ditz Closter an sin mittel mit
43,15 grozen gotlichen genaden kumet
43,16 so wirt disen den die genad gemi-nert .
43,17 aber sie get nimer ab ez wolle
43,18 vnser h're allweg etwen hinne-

- 43,19 haben mit dem er besunder gnade
43,20 wil tün die weil daz closter stet die
43,21 wil er selber her same- den er siner
43,22 genaden gan . vnd hab dir dez eine
- 44,1 vrkunde daz du mine- worte- glaubest
44,2 die zwene vogel die du gesehe-
44,3 hast die bedeuten daz die heiligste-
44,4 menschen zwai von euch kurtzeliche
44,5 uaren die daz closter hat” daz
44,6 stunde niht lenger denne nach mess
44,7 da sie uber daz werk wolt gen da saget
44,8 man ir ez wolt alheit von igelstat
44,9 sterben vnd ir dinerin die starbe
44,10 auch nach ir kurtzliche- die auch
44,11 ein heiliger me-sch waz
44,12 Da wil ich euch nv kunt tun von diser
44,13 heiligen alhaiden von Igelstat
44,14 wie ir leben waz . sie kom zv vns .
44,15 vnd waz uor ein beginne gewest
44,16 da hielt sie irn orden als strenklichen
44,17 an allen dinge- vnd sunderlich
44,18 an dem swigen daz sie ir swigen
44,19 an keiner verboten stat ni-mer
44,20 zebrach vnd swen- sie da ze
44,21 chor stunt so merket man ir wol
44,22 wen- sie niht sank daz sie danne
- 45,1 imm’mer sprach “ih xp-c ih xp-c .”
45,2 als sie bei den leuten waz so waz sie so
45,3 minneclich bei in daz alle die von ir gebezzert
45,4 wurden die bei ir ware- da uerhengt
45,5 vnser h’re vb’ sie daz man sie zech
45,6 sie wer der siechen leut vnd daz man
45,7 sie sundert von dem Couent . da sprach
45,8 vnser herre zv ir “bis niht betrubt daz
45,9 man dich sundert uon den leute- ich wil
45,10 selber din hauswirt sin” daz uolbraht
45,11 er wol an ir sie nam sich daz allerheiligst
45,12 leben an daz wenig von mensche-
45,13 ie gesehen wart sie azz furbaz nimer
45,14 dann ein erbizwazzer vnd nam all tag
45,15 ein disciplin vnd wacht alle naht vor
45,16 mitin . als man den- zv ir sprach war
45,17 vmb sie uor mettin wacht vnd niht hin
45,18 nach so sprach sie “da hat er vor metin
45,19 niemand der im dient hin nach hat
45,20 er ir vil” da sie nv vns’m h’re- etwie vil

45,21 iar in de- heilige- leben waz gewest da
45,22 erschein ir vnser h're selb selb' vnd tet

46,1 ir kunt er wolt sie neme- in die ewigen
46,2 freude Da het sie ein gespilen
46,3 die hiez mehthilt krumpsitin vnd
46,4 der erschain vnser h're auch dez selbe-
46,5 nahts vnd sprach zv ir "ich wil din freu-din
46,6 zv mir nemen" da sie ze morge-st
46,7 zu einander kome- da taten sie ez baid
46,8 an einander kunt Da sprach alheid
46,9 zv Mehthilden "ez schint wol daz du
46,10 ein lauter sel hast . er hat reht mit
46,11 dir gered als mit mir" einez nahtes
46,12 da lasen sie metin mit einander Da lasen
46,13 sie als andehticlich daz sie minn'n
46,14 auf gesehen da kert sich alheid her
46,15 vmb vnd sach mehthilden an gar er-estlich
46,16 daz waz ir gar vngewo-lich . Dez
46,17 morgens da fragt sie sie . "war vmb
46,18 hast du mich nehtin als ernstliche-
46,19 an gesehen" Da sprach sie "da enpfad
46,20 ich vnsers herre- gegenw'tikeit sicherlich .
46,21 vnd dauht mich er tet dir gutlich'
46,22 danne mir da von moht ich sin niht

47,1 geraten ich seh dich als ernstlich an"
47,2 da dise heilig alheid zv irm tod kam
47,3 da sprach sie "ich lig reht als in eine-
47,4 kulen taw ." vnd redet die aller zartesten
47,5 wort vnd die suzsten also daz
47,6 alle die h'tzen die ub' sie komen vo-
47,7 ir brinnende wurden nv hiez sie ir
47,8 gespilen heimlich kume- zv ir . vnd
47,9 danket ir mit grozz' andaht "allez des
47,10 dinstez . dez du mir ie getan hast vn-
47,11 daz du mich nie v'smeht hast i- meinem
47,12 leiden vnd daz du mir so minneclich
47,13 gedinet hast Nv solt du mir sagen
47,14 wez du von got begerst . wanne
47,15 er hat mir die gab geben . swez ich
47,16 in bit an mine- tod dez wil er mich gewern ."
47,17 Da sprach sie hin wider "so beger
47,18 ich anders niht . wan- daz du in bitest
47,19 daz ich ein volkumen' mensche
47,20 werde ." Da sprach sie hin wider "ich tün
47,21 dir daz kunt da du hinne- niht erstirbest .
47,22 Du wirst erwelt hin tz aurach ze

48,1 einer priolin . Vnd da wirdest du begraben”
48,3 Nv wil ich euch kunt tun von diser
48,4 mehthilden kru-psitin da sie in de- virtzehenden
48,5 iar waz . da lag sie uor eine-
48,6 alter vnd twank ir sinne als sere .
48,7 daz ir daz blut ze munde ze nasen vn-
48,8 zu den oren auz gink . vnd sie sprach
48,9 daz sie furbaz nimer mer leihticlich’
48,10 nach got moht getrahte- wann vor
48,11 an arbeit . daz erzaigt sie wol . swenn
48,12 sie den tag allen ob dem werke sazz .
48,13 so span sie gar wenig . als sie denne
48,14 dez nahtez ein cleinez sleflin tet . so
48,15 stunde sie auf vnd traht immermer
48,16 nach vns’m h’re . sie waz ein gereht’
48,17 mensch da laid sie vil von . sie waz
48,18 an allen irm leben reht sam ein lucern
48,19 da sie vnser priolin waz da gewunne-
48,20 die auzzerleut als grozze
48,21 lieb zv ir von irm heilige- leben vnd
48,22 wandel daz sie het . sie volbraht ez

49,1 mit grozem ernst da uv die zeit kom
49,2 daz vnser h’re sine werk volbringen
49,3 wolt als er uor geoffent het da wart
49,4 sie gewelt hin tz aurach da sie nv dar
49,5 kom do moht sie ir grozze andaht an
49,6 irm h’tzen niht gestillen . sie waz einz
49,7 nahts vor irm pette an irm gebet da
49,8 kom sie von ir selb’ do ging ein leienswest’
49,9 die waz ir gastmeisterin dreie
49,10 stund zv ir . vnd sprach daz sie her abe
49,11 ging zv den gesten da versan sie sich
49,12 niht in dise werlt uon gotliche- gnade-
49,13 da ging die leiswest’ hin vnd sprach
49,14 von der priolin “sie rotet vnt’ irn auge-
49,15 als ein rose . sie mag wol win getrunke-
49,16 haben” diser rede wart sie inne- in dem
49,17 geist vnd sand dez morgens nach ir
49,18 leiplichn- swester vnd sprach zv ir
49,19 “ir sult min warheit neme- . wenn ich
49,20 an mine- gebet sei vnd niht wol besinnet
49,21 sei . so sult ir daz ampt fur mich
49,22 tun . sich hat nehtin die leiswester an

50,1 mir v’worht die da ubel von mir gered
50,2 hat . merket disen tag von heut uber

50,3 ein iar so vert sie auz dem orden vnd
 50,4 kumet nimm' mer dar ein" do dise fraw
 50,5 ir leben volbraht lobelich wan- sie waz
 50,6 ein minnerin dez ordens vnd aller gerehtikeit
 50,7 da erschain ir vnser h're vnd
 50,8 gelobt ir . er wolt sie von hinne neme-
 50,9 in die ewigen freud da sant sie nach
 50,10 irn leiplichen swest'n vnd tet in daz ku-t
 50,11 da wainte- sie gar sere vnd baten si daz
 50,12 sie vnd'n h'ren bete daz er si lenger hie
 50,13 liez da sprach sie hin wider "dez wil ich
 50,14 niht tun . mein hertz hat so grozze senung
 50,15 nach im . ich mag sein niht lenger
 50,16 enpern" kurtzlich . do kom sie der
 50,17 tod an . do si do v'riht wart mit criste-lichem
 50,18 rehte- do sprach sie zv irn swestern
 50,19 "mir ist nindert we . liez ich ez .
 50,20 niht durh die leut ich ging war ich hin
 50,21 wolt . sperret die kamern zv so wil
 50,22 ich ez euch lazze- sehen" vnd stund auf

51,1 vnd gink als gerinklich . als sie ie getan
 51,2 het da ir heilige sel von irm leibe
 51,3 schaiden wolt da sach ein swest' in de-
 51,4 geist daz ir sel allen gelidern danchet
 51,5 ieglichem sunderlich daz sie got als wol
 51,6 gedinet heten . Ez waz ein kint in eine-
 51,7 dorff ze entenberg daz sagt vil kunftig'
 51,8 ding daz waz bei einer beginne daz sprach
 51,9 "mvme ich han den himel offen gesehen
 51,10 vnd daz die priolin von aurach ietzunt
 51,11 in himel ist geuarn" da sprach sie hin wider
 51,12 "du hast leiht niht war" Da sprach
 51,13 daz kint "nv ge dar vnd besihe ez" daz tet
 51,14 die fraw vnd erfur daz . do waz sie in der
 51,15 selben weil tot . als daz kint gesproche- het
 51,16 Ein swester hiez Irmgart von eystet
 51,17 die waz gar ein minnesam' mensch vnd
 51,18 het die tugent daz sie gern lert waz zv
 51,19 gotes dinst gehort nv ward sie uor irm
 51,20 tode zv eine- petrisen vnd lag biz in daz
 51,21 ander iar daz locher in sie braste- vnde
 51,22 daz daz blut von ir ran vnd die frawe-

52,1 die ob ir waren mit iamer hin tz ir sprachen
 52,2 sie solt vns'n h'ren biten daz er
 52,3 sie löst von irm sm'tze- Da sprach sie
 52,4 "mugt ir niht erliden daz ich wol geleiden

52,5 mag . ich wil in niht bite- daz er z
 52,6 mir beneme wann ez ist kein vngedult
 52,7 nie in mein h'tze kume- von alle- mine-
 52,8 sm'tzen" vnd wenne sie ez sprach so lacht
 52,9 sie gar mi-neclich . einez tags da sprach
 52,10 ein fraw zv ir "du bist billich gedultig
 52,11 dich hat ein swester gesehen daz du in
 52,12 eine- lieht bist gelege- in dem slafhaus"
 52,13 da sprach sie . "moht sie dez niht verswige-
 52,14 ich han grozzer gnad u'swige- . ich han gesehen
 52,15 die heiligen driualtikeit in drier
 52,16 p\son weis vnd wandelte- sich in ein
 52,17 person . vnd han gesehen vnser frawen
 52,18 maria- daz sie vnsern h'ren auf
 52,19 der schoz het vnd sprachen sie wolte-
 52,20 mir als gutlich tun als andern daz v'stund
 52,21 ich also . er wolt mir als gutlich
 52,22 tun als andern heilige- iunchfrawe-

53,1 do sol mich gar wol an genv\;ge-" dar nach
 53,2 starb sie mit eine- heilige- ende vnd kome
 53,3 her wider vnd sprach sie w' gar
 53,4 kurtzlichen hin tz dem himel geuarn .
 53,5 dise gedult het sie uor lang geweissaget
 53,6 vnd sprach "ich wird noch ligend
 53,7 als ein lamp ."
 53,8 Eine hiez swest' Gedraut uon Hapurch
 53,9 die waz gar ein andehtige swest' vnd behielt
 53,10 irn orden gar strenclich vnd wazz
 53,11 gar ein gereht' mensch da ward sie gebeten
 53,12 von einer ir gespiln daz sie mit
 53,13 ir redet nach conplet Da sprach sie
 53,14 "wa wer iendert ein me-sch durch dez
 53,15 wille- ich mein sweige- brech nach complet ."
 53,16 wen- daz waz daz sie niht betet so
 53,17 redet sie emziclich von got vnd wenn
 53,18 sie bei werltlichen priestern waz oder
 53,19 bei vnbekanten leute- so redet sie so süzlich
 53,20 von vns'm h're- daz sie wainde wurden .
 53,21 in dem iar do sie inne- starb do hub
 53,22 sie ie in der naht an vnd sang mit lauter

54,1 sti-me . als die swest' denne hin tz .
 54,2 ir sprachen war vmb sie in de- slaffe
 54,3 sunge so sprach sie "do frewet sich mei-
 54,4 sel daz ir die ewig freud nahet" da sie
 54,5 nv der tod an was kume- do sant sie
 54,6 nach den frawe- vnd sprach "liebe- kint

- 54,7 mir hat heint getraumt . ez kôm ein
54,8 schöner iungeling zv mir vnd sprach
54,9 ein kunig het mich auf sine- hof geladen
54,10 do solt ich nv furbaz auf sein da
54,11 sprach ich hin wider ez ist lank daz ich
54,12 von hof kom ich kan niht mer da gebaren
54,13 vnd han auch niht schoner
54,14 cleider da sprach er sorg niht zv de- der
54,15 kunig auf dez hof du bist glade- der
54,16 kan dich wol gelern vnd wil dir auch
54,17 schone claiden gebn- . nv v'sinne ich
54,18 mich wol bei disem traume daz ich st'ben
54,19 sol pet mir in daz siechaus" vnd'
54,20 wegen do sie solt in daz siechaus gen
54,21 do stund ein affalt' vnd blut vnmezlichen
54,22 schon da sprach sie "lat mich .
- 55,1 etlich weil vnt' dem baum hie seine"
55,2 da hub sie an vnd wart gar sere wainen
55,3 vnd sprach "daz du neulich als durre
55,4 werd vnd nv als schön pluest vnd
55,5 daz ich als lang in geistlichem leben bin
55,6 gewesen vnd daz ich mich niht han gebezzert"
55,7 da enpfing sie cristenlich reht
55,8 vnd starb mit eine- schone- ende .
55,9 Ein swester hiez alheid von Grindlach die
55,10 waz etlich weil siech vor irm tod do si nv
55,11 tod was do kom sie einer bewerte- frawen
55,12 her wider die fragt sie wie ez vmb
55,13 sie stünde die sprach "do bin ich in himelrich
55,14 vnd schint die heilig driualteit
55,15 durch mich als ein sunne vnd bin .
55,16 reht worden als ein bilde daz do scheint
55,17 durch ein cristalle- also gelest die
55,18 gotheit in mich vnd die genade han
55,19 ich do mit verdinet daz mein hertz
55,20 alle zit mit got vmb ging"
55,21 Ein swester hiez hedwig von Rege-sburch
55,22 die waz ein vil alte swester
- 56,1 die wolt sich dez chors ab tun si u'stu-d
56,2 sin niht da sprach ein sti-me "ge hi- tz
56,3 chor du u'stest ez hie auzzen als wenig
56,4 als d inne-" do gewan sie groz lib
56,5 zv de- chor daz sie emsiclich dar gink
56,6 wie kranch sie waz vnd zv eine- mal
56,7 da erschein ir vnser h're zwische- de-
56,8 zwain zaichen ze metin als er waz

56,9 vmb drizzig iar Da sprach sie "vil lieb'
56,10 h're do solt ich ietzund metin lesen ." ainez
56,11 andern mals do stund sie in de- chor
56,12 vnder der collatio do der Couent hi- tz
56,13 conplet gink . da sahen sie alle daz ir
56,14 ir hertz schain als die sunne durch ir
56,15 gewant reht als sie tut durch daz
56,16 glaz . Da sie in der w'lt waz ein beginn
56,17 da gab kunig Conrad den puben gewalt
56,18 uber die geistlichen frawe- in dez
56,19 do sie in den noten waz vn- sie floch .
56,20 vnd ir eren vorht . do piltten sich
56,21 dise wort in ir hertz . zu den selben
56,22 raine- sprichet crist . "gemahel du

57,1 solt minne- mich . wan- du mir vor de-
57,2 engel bist . dez braht ich wol inne- dich
57,3 daz ich den töt durch dich enpfing . daz
57,4 tet ich durch den engel nie" dise wort
57,5 gingen ir so mi-neclich ze hertzen daz si
57,6 furbaz immermer sank . wen- sie ir selber
57,7 freud wolt machen . daz sie got mit
57,8 disen worte- het getrost in iren noten dise
57,9 hedwig . siecht uor irm tod vnd waz
57,10 dez gar gedultig . nv geschach daz an
57,11 einem liehtmesse tag da der couent
57,12 pcessen gienk da erschain ir vnser frawe
57,13 maria . mit irm lieben sun vnde
57,14 gink die pcessen mit dem Couente
57,15 dar nach gink sie zv irm pette vnde
57,16 sprach zv ir "beriht dich du solt uare-
57,17 in die ewige- freude do woll wir dir lonen
57,18 ich vnd min kint . allez dez daz
57,19 du erliten hast durch vnsern willen"
57,20 dar nach starb sie in kurtzen tagen
57,21 dise dink tet sie kunt einer frawen
57,22 die ir dinerin waz vnd starb mit

58,1 einem heiligen ende .
58,2 Ein swest' hiez diemüt vo- Nurnb'g
58,3 vnd waz dev die bei den erste- wont
58,4 vnd nie entzuket wart . vnd halt i-
58,5 allen irm leben da tet ir got keine
58,6 sunder gnade niht vnd waz so ein
58,7 heiliger mensch an allen irm leben
58,8 vnd an allen ordenlichen dinge- an
58,9 wachen vasten an swige- an bete- da
58,10 sie nv an ir ende kom da sagt sie vns

58,11 immermer . wie wir vns gege- got
 58,12 solte- halte- . sie het so groz begirde nach
 58,13 vnsers h'ren leichnam swan- man in
 58,14 durch daz siechus truk vnd in einer
 58,15 andern frawen wolt geben so moht
 58,16 sie sich niht enthalten sie schri mit
 58,17 lauter sti-me "awe gebt mir in auch"
 58,18 Nach irm tode kome sie einer frawe-
 58,19 her wider in eine- lieht on alle- gravsen
 58,20 reht als sie uor gange- . waz in de-
 58,21 ordengewand do beswur sie disev
 58,22 fraw daz sie ir sagt wie ez ir ergangen

59,1 wer . an ir lesten weil . da sprach
 59,2 sie "ez ist mir als wol ergange- daz got
 59,3 gelobt sei daz ich ie ze menschen geboren
 59,4 wart mir hat got drei groz genad
 59,5 getan an mine- tod . ez kom der heilig
 59,6 gaist uber mich in einez grozze- fewers
 59,7 gelichnisse daz ich wont ez wolt
 59,8 die stub v'brinne- . vnd da von sprach
 59,9 ich zv etlichen swestern vnd nant sie
 59,10 wolt ir niht leschen Die ander genad
 59,11 waz do mir als we nach vnsers h'ren
 59,12 licham waz . do kom sant mertin in
 59,13 einez bischofs weise . vnd het sich zirlich
 59,14 an gelegt als ein bischof vnde
 59,15 gap mir vnsers h'ren licham an mein'
 59,16 lesten weil Die dritte genad ist daz mi-
 59,17 sel on mittel vnd an vnterlaz uo- minem
 59,18 mu-d in himel geuarn ist vnd
 59,19 all mein weg waren behangen mit
 59,20 brinnenden lampe- als in sand benedicten
 59,21 legend geschriben stet" da het
 59,22 sie uor nie niht uon gehort do fragt

60,1 si s ob si z gesage- oder v'swige- solt Da
 60,2 sprach sie "du solt ez gesagen ich bin dar
 60,3 vmb her wider kume- Daz vnsers
 60,4 h'ren ere do von gelobt werd" vnd die weil
 60,5 man ir vigilie sang da sah ein swester
 60,6 in eine- geistliche- gesiht Daz sie vnser
 60,7 h're zeigt den engeln vnd den heilige-
 60,8 vnd sprach "nempt war daz ich noch ein
 60,9 hertze auf ertrich han gehabt daz mich
 60,10 so reht lieb hat gehabt"
 60,11 Ein swester hiez Berht makerin von
 60,12 nurnb'g die waz lang vor irm tod si\;ch

60,13 vnd het gar eine- smertzenliche- siechtu-
 60,14 vnd waz doch niht lam . wenn man ir
 60,15 von dem tod vor redet . so sprach sie all
 60,16 weg “ich erstirb nimer . ez kum dann
 60,17 kunig dauid vnd herpf die sel auz
 60,18 mit sine- clengen” da nv die zit kome
 60,19 daz got irs leidens ein ende wolt machen .
 60,20 nach vesp sand sie balde nach
 60,21 der priolin daz sie z hiez olen da waren
 60,22 die frawen gemeinlich da wider

61,1 vnd sprachen “du hast kein todzaiche-
 61,2 an dir du hast dich oft wirser gehabt”
 61,3 da wolt sie doch do von niht lazzen man
 61,4 müst sie olen da sprach sie zv ir swester
 61,5 “toht’ beleib heint bei mir vnd lege
 61,6 dich niht nider” daz tet sie vnd saz
 61,7 für sie da redet sie als redelich mit ir als
 61,8 sie in manger zit ie getan het vnd sunderlich
 61,9 redet sie von irm leiden . da ez
 61,10 gen miternaht ging da sprach sie “wol
 61,11 mich daz ich ie zv mensche- geborn
 61,12 wart ich hore daz suzest saitenspil daz
 61,13 mensch ie gehoren solt . ich wil sterbe- bett
 61,14 mir hin auz .” vber ein kleine weil e . der
 61,15 Couent die letanie las da waz sie verscheiden
 61,17 Einev hiez swest’ Güt von ditenhofen
 61,18 Die waz von dem heilige- Creutz vo- Regenspurch
 61,19 her kume- mit ir swest’ die
 61,20 waz gar ein andehtig’ mensch vnd vor
 61,21 irm tod spilt vnser h’re in einez kleine-
 61,22 kindelins wise vor ir vnd gelobt ir

62,1 er wolt ir gutlich tün dar nach starb sie
 62,2 kurtzlichen
 62,3 Ein swester hiez alhaid Ortlibin von
 62,4 Nurnb’g . die ward einez nahts irre in
 62,5 dem slafhus . wanne daz licht waz v’loschen
 62,6 da erschain ir vnser h’re in
 62,7 eine- grozen licht vnd weist sie selber
 62,8 zv der zelle vnd redet gar minneclich
 62,9 mit ir vnd wolt ir gar gutlich tun da
 62,10 sprach sie hin tz im “h’re wer bist du” da
 62,11 sprach er “ich haiz Rex regu- et dn-s dn-anciu-
 62,12 Ich bin ein kunig der kunig vnd
 62,13 ein h’re der herscher .” si het vil arbeit erliten
 62,14 in der gehorsam Dar nach ward sie
 62,15 sere kranchen vnd doch niht smertzenlichen

62,16 siechtum Da got ir leben verenden
62,17 wolt do erschein ir sand iohs bapat
62,18 vnd sprach zv ir "ich tun dir kunt vo- vnserm
62,19 h'ren ihu xp-o Daz er dir sicheit .
62,20 hat geben ewigez lebens do wil er dir
62,21 allez dez löne- dez du im ie gedient hast
62,22 vnd din muter vnd din bruder vnde swester

63,1 warten din mit grozz' begirde" dar nach
63,2 starb sie einez rihtige- todez .
63,3 Zwaie kint brahte- sie mit in vo- Nurenb'g
63,4 die heten sie do enpfange- die waren
63,5 vnt' zehen iare- die ein hiez alheit
63,6 vnd waz lang sancmeist'in vnd waz
63,7 ein wol gezirt' mensch mit tugenden .
63,8 vnd sunderlich dient sie den siechen gemeinlich
63,9 on alle pet vnd als sie ie vn sauber
63,10 waren so dint sie in ie willeclicher
63,11 da sie gestarp da sah ein swest'
63,12 in eine- geistlichen gesiht Daz
63,13 vnser h're stund ub' ir grap als er waz
63,14 vmb drizzig iar . vnd sprach "nemt war
63,15 da ligt die geminte"
63,16 Die ander hiez Jewt vnd wart gesundert
63,17 von den leuten uor irm tod do dinte
63,18 ir dise uorgene alheit biz sie vor sichtum
63,19 niht mer en moht Dar nach vn-
63,20 ir der trew dinst ab ging da erplindet
63,21 sie vnd het keine- leipliche- trost
63,22 mer . do spilten furbaz vnmazze- schöne

64,1 kint uor ir vnd wonte- emziclich bei
64,2 ir da sprache- gelert lewt ez w'n engel
64,3 die trosten sie seit ir aller trost
64,4 wer ab gegangen .
64,5 Ein swester hiez mehthilt vo- neitstein
64,6 vnd kom her von dem hof dez grauen
64,7 von hirtberch vnd wart ein emzige
64,8 dinerin gotes vnd wait an irm gebete
64,9 alle tag dar vmb daz ir got ein
64,10 gut ende geb dez gewert er sie vnd
64,11 gab ir gar eine- andehtige- töt do kom
64,12 sie nach dem tode her wider vn- sprach
64,13 ir het got vnmezzigen lon dar vmb
64,14 geben daz sie dem Couent als getrev
64,15 wer gewesen vnd sunderlich daz sie
64,16 an dem priolamt erliten het vo- trewe-
64,17 Sie het eins brudertoht' die hiez

64,18 Sophie vom neitstain Die starp vor
64,19 ir vnd waz vmb vir vnd zweintzig
64,20 iar vnd waz ein vnuberwundender
64,21 mensch da sie nv an dem totpet lag
64,22 da wart sie entzuket . do sie wider

65,1 zu ir selb' kom da sprach sie "ich bin i-
65,2 iener werlt gewesen vnd han gesehe-
65,3 vnd gehort solt ich uoch funf hundert
65,4 iar leben ich konde ez nimer uolsagen
65,5 daz ich waiz als ich nv gerw so
65,6 wil ich etwaz sagen da von ." da hub
65,7 sie da ein gesant an . daz verstund nimant
65,8 dan- daz iungst wort . daz sprach
65,9 "maria ." vnd sprach do "ich bin innan
65,10 worden daz ich der behalte- mensche-
65,11 eins bin . dez west ich uor niht" Dar
65,12 nach starb sie a m andern tag hin
65,13 nach . Da sie den iungste- zug tet Da
65,14 hub sie an daz "salue regina . Gegruzt
65,15 seist du kungin" vnd sang ez mit einer
65,16 süzen sti-me da sie nv töt waz
65,17 do kom sie einer bew'ten swester her
65,18 wider der sagt sie daz sie daz salue regina
65,19 het an gehebt da ging vnser .
65,20 frawe maria ein in einem veiolarben
65,21 mantel vnd ging mit ir sand
65,22 agnes vnd vil iuncfrawe- . do wei\;t

66,1 vnser fraw den mantel gen den vinden
66,2 da fluhen sie alle hin wek Disev
66,3 genad het sie uerdient mit eine- salter
66,4 den het sie gelesen an eine- tag
66,5 stende da waz sie dri stunt vnt' . nider
66,6 geuallen . wan- sie het den tot an ir
66,7 vnd starb an dem ahten tag vnser
66,8 frawen maria dar nach
66,9 Ein laiswest' hiez Iewt von vnzelhouen
66,10 vnd waz lang vnser hofmeist'in
66,11 vnd het der couent grozen trost von
66,12 ir wan- sie waz endelicher mensche
66,13 zv auzzerm gescheft vnd het vil gar
66,14 die anuehtigung daz sie auz dem orden
66,15 wolt . einez tagez nam der coue-t
66,16 vnser h'ren leicham da nam sie sin
66,17 niht vnd ging in dem closter vmb
66,18 da sah sie auzzen ob dem dach dez chores
66,19 ein feurin rat sweben . da gedahte

- 66,20 sie "ist daz gesiht von got . so wil ich
66,21 gen in den chor so wird ich sin inne-"
66,22 da sie do in den chor kom da sahe sie
- 67,1 daz ein roren von himel in den kelch ge-
67,2 vnd drug die heilicheit dar ein vnd sach
67,3 daz daz oblat in dez priesters hant zv
67,4 eine- kindelin wart vnd swen- er ez
67,5 dar den frawen bot so gebart ez gegen
67,6 ieclicher als irm leben waz . gegen etlich'
67,7 gebart ez gar zertlich vnd frolichen
67,8 gen etlicher niht also
67,9 Ein swester hiez reich\gart vnd waz d'
67,10 stifterin swester vnd kom zv vnser
67,11 geselleschaft sie waz ein swartze nvnne
67,12 vnd kond gröz kunst da sie nv i-
67,13 vnser closter kom da vnder want
67,14 sie sich dez kores mit grozzem fleizze
67,15 vnd ging emziclich dreizzig iar hin tz
67,16 chor daz sie eine- gantze- tag nie versavmet
67,17 vnd waz auch die drizzig iar on
67,18 flaisch vnd kom wenig in kein pat vn-
67,19 vastet emziclich vnd wacht alle naht
67,20 nach metin vnd sprach niht mer dann
67,21 drev aue maria von grozer andaht wegen
67,22 Daz erst aue maria daz sprach sie
- 68,1 dem clost' vnd allen gute- leute- Daz ander
68,2 aue maria allen sündern Daz dritt
68,3 aue maria den selen in daz fegefeure sie
68,4 waz ein gereht' mensch an alle- irm leben
68,5 vnd tet ir vnser h're nie kein sund'
68,6 gnade biz an die zit daz ir leben ein ende
68,7 wolt neme- da lag sie nach einer mettin
68,8 vor dem alter in dem chor an ir landen
68,9 wenig da chom vnser fraw gange-
68,10 vnd fñrt irn sun ihm xp-m an ir hant
68,11 vnd er waz als ein kint vmb zehe- iar
68,12 vnd sprach zu ir "riht dich auf du gemintew
68,13 reichgart" vnd do sie sich da
68,14 auf geriht Da graif ir vnser herre an
68,15 daz kinne vnd sprach "die zit ist kume-
68,16 berait dich dein bruder vnd din swest'
68,17 baitent din mit grozzer begirde du bist
68,18 geladen zu der ewige- wirtschaft da wil
68,19 ich dir allez dez lone- dez du mir gedint
68,20 hast" an der selben stet kom sie der töt
68,21 an vnd starb mit eine- heilige- tode ub'

- 68,22 vnlang tag dar nach kom sie her
- 69,1 wider vnd sprach sie w' niht on vnt'laz
69,2 hin tz himel geuarn ir vegfeur
69,3 wer auf ein' grunen wisen gewese-
69,4 Ein swester hiez anna von weiterstorf
69,5 sie waz ein emziger dinerin gotes
69,6 vnd het grozze arbeit an den ambten
69,7 vnd het auch grözze- fleiz dar zv si waz
69,8 siechmaistrin vnd het groz leiden da
69,9 von vnd waz doch niht vnerbergez leiden
69,10 da sie do da von kom da gedaht sie
69,11 ir sie wolt nimm' mer kein groz ambt
69,12 tun . sie sprach ez auch von der trubsal daz
69,13 sie von dem ambt erliden het dar nach
69,14 zv eine- weinahten da enbot vns bischof
69,15 nyclus von regenspurg er wolt die
69,16 hochzit hie sin da vns die botschaft kome
69,17 Da ward die fraw als fro . daz sich
69,18 die andern frawe- alle dar ab wunderten
69,19 vnd stund auf vnd kert selber . dar
69,20 nach an sand iohans tag nach osteren
69,21 do kom sie der tot an vnd da man sie
69,22 nv beriht het mit alle- cristenlichen
- 70,1 reht da wart sie vnmozze- schon vnd
70,2 sprach imm'mer "mir ist nindert we
70,3 ez ist manger bei mir der wirser ist
70,4 danne mir" Da sant sie nach swest' agnesen
70,5 von praitenstein Die priolin her
70,6 nach ward vnd sprach zv ir "ich wil dir
70,7 kunt tun waz mir vnser h're gutes
70,8 hat getan" da sprach si hin tz ir "sag mir
70,9 war vmb werd du so reht fro do man
70,10 sagt daz der bischof her wolt" da sprah
70,11 sie "do viel mich ein grozze freude ein .
70,12 wann ich hort immermer den engel
70,13 singen seit der selben zeit alle tage"
70,14 sie sprach "daz ich alle tag als emzichlich
70,15 vnser frawen metin bin auf gestande-
70,16 daz ist do von daz sie mir oft dar vnter
70,17 erschain vnd druket mich an ir hertz"
70,18 vnd sprach "daz ich so gern in der alten
70,19 capeln bin gewesen bei tag vnd naht
70,20 daz ist do von daz mir vnser fraw maria
70,21 vnd ir sun ih xp-c dar inne erschei-
70,22 vnd taten mir auch grozze gnad Daz

71,1 mir sant Leuprecht als lieb ist gewesen
 71,2 daz ist da von daz ich in sach stend
 71,3 auf sine- grab in der kirchen" daz waz
 71,4 halbez in der gruntuest vnd halbez hi\:
 71,5 auzzen . also het er sich dem capla- auch
 71,6 gezaigt vnd het grabez gewant an vn-
 71,7 sprach zu ir "sich in dem gewand hat ma-
 71,8 mich vnschuldich ertot . nim war so
 71,9 ist daz min grab" "da vns der bischof nyclus
 71,10 von regenspurch vns'n herren
 71,11 wolt geben da sah ich das uor im zu
 71,12 der tur die in den chor get drie schon
 71,13 h'ren her ein gingen vnd ginge- doch
 71,14 zesamen vnd ward ein herre dar vz"
 71,15 da uersan sie sich wol daz ez die heilig
 71,16 driualticheit waz . da er do vnsers h're-
 71,17 licham gesegent het da sah sie daz iedaz
 71,18 oblat zv eine- kindelin wart vnd
 71,19 als er ez ieder frawen dar bot so gebaret
 71,20 ez gegen ieclicher als irm lebe-
 71,21 waz . gen etlicher tet ez gar minneclichen .
 71,22 gen etlicher niht also . "so han

72,1 ich in der zit die engel horen singe-
 72,2 den respons Su-me trinitati vnd schonew
 72,3 kirieleison mit drien stimmen
 72,4 daz sprach als schon daz ez ub' alle me-schelich
 72,5 sinne waz" Da sprach sie "heizt
 72,6 etwen zv mir gen der lang gedenk"
 72,7 da sprach sie "lieben frawen ir sult wizzen
 72,8 daz ich die engel alle tag han hore-
 72,9 singe- von weinaht biz her" zv sand
 72,10 iohans tag ewangeliste- nach ostern
 72,11 da waz sie der tot an kume- "vnd daz ich
 72,12 etwen- als vnwizzentlich waz vnd als
 72,13 erstarret . wenn man mit mir redet
 72,14 daz waz da von . daz ich der engel sank
 72,15 emziclich hört . mir hat vnser herre
 72,16 vnd sin muter maria in der capellen
 72,17 vnd in der zelle gutlich getan
 72,18 da man mir nv daz kellerampt het
 72,19 geben da ward ich gar sere betrubt
 72,20 da erschein mir vnser h're in der zelle
 72,21 an der marter mit sine- funf wu-den
 72,22 vnd sprach zv mir sich du gemintev

73,1 daz han ich allez durch dine- wille-
 73,2 erliten waz leidest du durch mine- willen

73,3 biz dez gehorsam vnd keinez mer
 73,4 da wont ich er maint ich solt kein ambet
 73,5 mer tun nv hat er ez gemainet
 73,6 auf mine- töd . do ich hin tz dez Mosburgers
 73,7 messe gink da die graz genade
 73,8 hie waz do erschain mir vnser herre
 73,9 als da er waz vmb drizzig” Da sie nv
 73,10 an dem tod lag vnd wir wonte- sie
 73,11 uerstunde sich in dise werlt niht da
 73,12 waz sie gar schön . Da sprachen sie zv
 73,13 ir . “wie waz ih von nazaret gestalt
 73,14 da du in sehde” da bezaichent sie in er
 73,15 wer ein micheler h're da ez ir an die
 73,16 lecsten weil gink da ward sie gar uorhtenlich
 73,17 da waz ein swest' an ir gebet
 73,18 hi- cz der sprach ein sti-me “ge zu
 73,19 der swester die do ligt in grözze- streit”
 73,20 da sie do ub' sie kom do verschied sie
 73,21 schier nach irm tod do köm sie der
 73,22 selben swest' her wider vnd sagt ir z

74,1 ez w' noch etwaz zwischen ir vnd got
 74,2 dez sie noch niht gebüzt het vnd do vo-
 74,3 müst sie den bosen geist sehen daz er
 74,4 ez ir hie wolt ab nemen